




**Selasa, 5 Oktober 2021**  
**Ogen: Esekiel 16: 44-58**



**Ngenanami Kiniseran**



**A**rah Kata Dibata sendah enda ipetangkas kerna penuriken Dibata kerina kesalahen Bangsa Israel dingin kinilasetianna. Ibelasken Dibata erkelangken Nabi Esekiel kerina gelar negeri-negeri si la tek nandangi Dibata, si mahan gana-gana man sembahenna, si mabai Bangsa Israel e nilah i bas Dibata nari. Ikataken Dibata adi bage lagu langkah orangtua-orangtua (gambaren nande) Bangsa Israel, emaka tentu e me si idah anak-anakna. Maka seh ku kesusurena pe labo jadi kalak si setia nandangi Dibata. Bahkan anak-anakna pagin ncidahken perbahanen si jahaten asangken nandena. Keleken si ibahanna asangken usihen si la mehuli si enggo icidahken nandena.

Kinirawan Dibata e seh maka ikatakenna enggo macik dingin ciga ateKu pe perbahanen si melket ibahan Bangsa Israel e. Lanai kepe lit idah Dibata si mehulina nari ibas Bangsa Israel asum si e. Emaka nina Ku ukum nge kerina bangsa e, la banci lang ngenanami kiniseran me ia (tema). Kata Dibata lanai banci la tersehken. Emaka iukumna me Bangsa Israel e.

Moria selaku nande iarapken Dibata jadi nande usihen nandangi anak-anak i tengah jabuna. Perbahanen si mehuli, kepatuhen, kesetian erkiniteken enda kerina jadi bekal nandangi anak-anak i bas tengah jabu. Bagi oratenta sendah, adi nande la banci jadi usihen, maka anak kepe lebihen pe lanai erbahan si mehuli, sebaliknya adi nande jadi usihen, tek kita maka anak pe tuhu-tuhu sikap sebab paguh usihen arah nande siidahna bas kegeluhenna. Emaka gelah kita la ngenanami kiniseran, ulin kita ngenanami dingin ngataken bujur ibas kerina si enggo ialoken kita ibas kegeluhenta. Asangken guna mperjuangkan keriahen doni piah ndabuh kita ku bas dosa dingin dampakna pe terus ku bas kesusurenta kena rawa Dibata, pudi metua e kita ka nge jadi erkadiola.